

# দৈনিক জনকণ্ঠ



রোডার স্কাউট ইউনিট লিডার বেসিক কোর্সের সমাপনী অনুষ্ঠান

## ১৩৩তম রোডার স্কাউট ইউনিট লিডার বেসিক কোর্স সমাপ্ত

ঢাকা জেলার বিভিন্ন সরকারী ও বেসরকারী কলেজ, ইনস্টিটিউটের অধ্যাপক/অধ্যাপিকা এবং মুক্ত রোডার ফ্রন্টের জন্য ঢাকা জেলা রোডার-এর ব্যবস্থাপনায় ও অর্থায়নে এবং রোডার অঞ্চলের পরিচালনায় ১১ থেকে ১৮ অক্টোবর পর্যন্ত ৮ দিনব্যাপী ঢাকাস্থ শেরেবাংলা কৃষি বিশ্ববিদ্যালয়ে অনুষ্ঠিত হলো রোডার স্কাউট ইউনিট লিডার বেসিক কোর্স। ১১ অক্টোবর কোর্সের উদ্বোধনী অনুষ্ঠানে উপস্থিত ছিলেন বাংলাদেশ স্কাউটস-এর জাতীয় কমিশনার (পিএমইসি) ডা. মিজা আলী হায়দার, জাতীয় উপকমিশনার মোহাম্মদ তৌফিক আলী, রোডার অঞ্চলের সিনিয়র সহসভাপতি ও ঢাকা জেলা রোডার-এর কমিশনার ডা. কিউএটিএম হাবিবুর রহমান, রোডার অঞ্চলের সম্পাদক প্রফেসর সায়েদুর রহমান, আঞ্চলিক উপ-কমিশনার (প্রশিক্ষণ) প্রফেসর নির্মল কান্তি মিত্র, আঞ্চলিক উপ-কমিশনার

(প্রোগ্রাম) প্রফেসর আব্দুস সালাম মিয়া, আঞ্চলিক উপকমিশনার (গবেষণা ও মূল্যায়ন) মোহাম্মদ মোহসিন, ঢাকা জেলা রোডার-এর সম্পাদক আব্দুল আউয়াল বুলবুল, কোর্স লিডার দেলোয়ার হোসাইন দিলু প্রমুখ।

৮ দিনব্যাপী প্রশিক্ষণ কোর্সে বিভিন্ন শিক্ষা প্রতিষ্ঠানে রোডার ইউনিট খোলার নিয়মাবলী, স্কাউটিং-এর বেসিক বিষয় ও আনুষঙ্গিক বিষয়ে বিস্তারিত প্রশিক্ষণ দেয়া হয়। ১০ জন প্রশিক্ষক আবাসিক প্রশিক্ষণ ক্যাম্পে অবস্থানপূর্বক প্রশিক্ষণ প্রদান করেন। ১৭ অক্টোবর সন্ধ্যায় মহা-ভাঁড় জলসা অনুষ্ঠানে প্রধান অতিথি ছিলেন শেরে বাংলা কৃষি বিশ্ববিদ্যালয়ের উপাচার্য প্রফেসর ড. এএম ফারুক, বিশেষ অতিথি ছিলেন বিশ্ববিদ্যালয়ের রেজিষ্ট্রার প্রফেসর আবু আকবর মিয়া, প্রক্টর প্রফেসর মোহাম্মদ হোসেন ভূঁইয়া, রোডার অঞ্চলের সম্পাদক প্রফেসর সায়েদুর রহমান।

১৮ অক্টোবর বিকালে সমাপনী অনুষ্ঠানে প্রশিক্ষণার্থীদের দীক্ষা প্রদান করে স্কাউটিংয়ের সদস্য ব্যাজ প্রদান এবং সনদ বিতরণ করেন কোর্স লিডার দেলোয়ার হোসাইন দিলু। ঢাকা জেলার বিভিন্ন সরকারী, বেসরকারী কলেজের ১৯ জন অধ্যাপক/অধ্যাপিকা প্রশিক্ষণার্থী প্রশিক্ষণ গ্রহণ করেন। -বিজ্ঞপ্তি।